

江華縣志卷之七

兵防

營制 寨附

俸餉附 寇變

塘汛

舖遞附

書曰揆文教奮武衛夫綏服去京師千里尙兢
兢以武衛爲言况縣境南通百粵北控湘衡實
楚地咽喉自古迄今屢經寇變然則未雨之防
誠宜亟講也明代置衛世官法制稱善及瀕危
亡乃若枯朽我
朝改衛歸流裁革滄移至精至密遵而行之雖萬
世無弊可也

江華縣志 卷之七

兵防

一

營制

營制 俸餉附

所尉州縣要害之處皆立衛所又於總會之處立爲都
指揮使以統之遇有缺伍於原籍勾補每歲令御
史清勾洪武七年定湖廣都司所屬二十四衛在
湖南者有永州衛轄左右中前後五千戶所及東
安守鎮所江華右千戶所世襲正副千戶各二員
百戶十員內新升百戶二員總旗二十名軍人五
十名幼軍四名錦田所城世襲正副千戶各一員
百戶二員總旗一名小旗二百軍人六十一名又

於甯遠衛輪撥千戶一員領軍一百二十名哨守
天順初設永道守備以都指揮體統行事隆慶三
年移鎮江華萬歷間復改駐道州轄永州甯遠二
衛江華甯遠錦田枇杷桃川五所提調四十八營
民兵

分撥永州衛軍人於江華各要害哨守又召募民
間丁壯謂之殺手散布各營

教場營在縣南嘉靖十六年建殺手二十名高寨
營在從化鄉正德十二年建衡州衛撥百戶一員

江華縣志

卷之七

兵防

二

營制

旗軍二十人殺手五十人守之神仙營在興德鄉
嶺東上段嘉靖十八年建分撥衡州衛旗軍十四
名殺手二十人守之白芒營在大同鄉嘉靖十一
年建分永州衛指揮一員旗軍一百五十人殺手
三十人守之金雞營近白芒營撥永州衛旗軍十
七人殺手五十人守之山爻營在太平鄉嘉靖四
十年建殺手十人車隘營地接白芒分撥衛殺手
二十人大關營與白芒相近分撥殺手七人濤墟
營近白芒殺手十人平賴營在從化鄉嶺東下段

嘉靖四十年建分撥殺手二十名得勝營在縣北
隆慶二年建殺手二十人永昌營在縣北隆慶二
年建殺手七十五人虎威營在縣東隆慶二年建
殺手五十五人豹韜營在縣西隆慶二年建殺手
五十人鎮遠營在太平鄉蓬田隆慶二年建分撥
殺手二十人折衝營在太平鄉小源隆慶二年建
殺手二十二人克敵營在太平鄉大壩隆慶二年
建殺手二十二人靖南營在興德鄉花江隆慶四
年建殺手三人五里營近矮嶺殺手二十人永安

江華縣志

卷之七

兵防

三

營制

營萬曆二十年知縣俞頤吉奉文勦滅猺賊鄧金
虎隨將山田抵作工食募兵立營鎮守巢穴並無
軍兵殺手雖設猶未設也鞍山營萬曆二年設殺
手三十二人白花營隆慶二年設殺手十五人東
水營隆慶二年設殺手十六人苦馬營萬曆元年
設殺手十人鎮中營隆慶五年設殺手十五人梅
子營萬曆十一年設殺手十四人黃皮營萬曆二
年設殺手二十一人定邊營萬曆元年設殺手三
十八人雲川營萬曆元年設殺手二十人半水營

以殺手二十四人山舍營萬曆十七

年設殺手一十七人牛塘營在縣南萬曆十二年

設殺手一十人旗軍三十九名在錦田所者教場

營嘉靖元年設殺手三十八人高第營隆慶六年

設殺手三十七人威遠營隆慶五年設殺手五十

五人芙蓉營萬曆六年設殺手一十二人以上各營殺手

今俱已奉裁

國朝順治四年克永州設城守參將一員中軍守備一

員千總一員把總二員統領馬步官兵一千名駐

江華縣志 卷之七

兵防

四

營制

劄府城防守並分撥千總駐防東安縣把總駐防

祁陽縣及克道州設城守參將一員中軍守備一

員千總二員把總四員統領馬步官兵一千名分

防甯遠永明江華新田四縣俸餉皆於湖廣布政

司給領其前明世襲永州甯遠兩衛及各所官軍

悉行裁革改設永衛屯政守備一員經歷一員千

總一員管理本衛各所及東安所屯糧留守道巡

捕官二名守門官七名軍人一百二十名為道前

標兵甯遠衛改設屯政守備一員管理屯餉留門

官五員屯丁一百四十八名仍供守城差役之用
甯遠所留門官四名屯丁三十名守城江華所留
門官二名屯丁二十四名守城錦田所改設千總
一員管本所屯餉留門官二名屯丁四十名守城
桃川所改設千總一員管本所屯餉留門官四名
屯丁一百二十名守城柘杷所改設千總一員管
本所屯餉留門官二名屯丁一百名守城其永道
守備分守上湖南道中軍守備仍因明制 順治
六年添設永州營千總一員把總二員移永道守

江華縣志

卷之七

兵防

五

營制

備於永明縣領把總一員馬步兵二百名守之

十年總兵陳德駐祁陽 十六年裁祁陽總兵官

及守道中軍守備減民壯額 十八年改營爲協

設協鎮副總兵官一員

省志作副將

中軍兼左營事守

備一員右營守備一員增馬步官兵五百名隨裁

一百名存官兵一千四百名增轄甯遠新田二縣

康熙六年裁永道守備 九年改協爲鎮設總

兵官一員中營遊擊兼管中軍事一員左右兩營

遊擊二員以道州恭縣改爲永鎮左營遊擊增千

總二員把總四員分爲三營每營額設馬步官兵
八百名將改爲左營之道州營撥兵二百名充入
中右兩營以符每營八百名之數共設兵二千四
百名冲營分汛零陵一半及東安新田二縣左營
仍駐道州分汛道州一州江華永明二縣右營分
汛零陵一半及祁陽甯遠二縣其俸餉由湖南布
政司領給如初 十三年甲寅吳逆反永鎮三營
並陷十八年恢復仍舊制 二十一年以各省平
定裁兵一百四十名隨又裁額兵六百名實存三

江華縣志

卷之七

兵防

六

營制

營額兵共一千六百六十名 二十七年衛所悉
裁屯田屯丁屬坐落州縣 三十五年裁兵六十
五名 四十五年裁兵三十九名歸鎮算 雍正
七年裁馬兵九名增外委千總三員外委把總六
員 以永州爲苗疆要鎮合總兵官兼轄臨藍宜
章桂陽三營 八年裁馬兵二名增外委把總二
員以左營遊擊移駐江華守備改駐永明右營遊
擊移駐道州守備改駐甯遠添左右兩營馬兵二
十名戰兵六十五名守兵二百一十五名 十二

年復裁減民壯 乾隆二年裁馬兵一名添外委
把總一員 七年裁守兵四十八名又裁守兵十
二名均撥入長安營 二十七年裁馬兵三名添
額外外委三員二十八年令永州鎮兼轄衡州寶
慶二協及武岡營 四十四年裁長安營馬兵十
四名戰兵二十八名守兵九十八名撥歸本標中
營 省志作四十五
年今 鎮册 四十七年裁養廉公費虛糧
馬兵五十四名戰兵一百四十五名守兵九十七
名添實馬兵七十三名戰兵二百三十一名守兵

江華縣志 卷之七

兵防

七

營制

七十九名 四十八年裁馬兵一名添額外外委

一員 嘉慶四年裁戰兵五十名守兵一百名撥

歸鎮算

鎮册作
五年

九年裁戰兵五名守兵十二名

撥歸芭茅坪 二十年設嶺東專營歸永州鎮統

轄左營遊擊兼轄撥提標前營守備一員乾鳳永

三廳外委一員額外外委二員移駐並將原防嶺

東汛把總一員兵丁五十一名撥歸又於申左右

三營各添撥兵六十三名共爲馬戰守兵二百四

十名 道光十二年以左營遊擊移駐錦田添撥

提標右營守備作為左營中軍守備駐劄錦田以
原駐永明中軍守備改為分防守備仍駐永明添
撥提標前營把總駐劄錦田大橋添撥臨武營外
委駐劄錦田白石山汛添設額外四員駐江華縣
屬背江高村黃竹寨娘娘廟等處又裁馬改步添
設戰兵二百名守兵二百名又添撥臨武營戰兵
一百名守兵三十一名 二十五年裁守兵五名
撥歸耒陽 二十八年裁戰守兵各五名撥歸新
平石門 三十年裁戰兵一名守兵三名撥歸新

江華縣志

卷之七

兵防

八

營制

平營 咸豐五年裁馬八匹 同治三年每兵一
百名裁減二成

現設永州鎮總兵官一員中左右遊擊三員守備
三員永明守備一員千總把總十二員外委千把
總十三員額外外委八員馬兵一百八十八名戰
兵三百三十七名守兵一千七十五名

以上
兵制

現在左營遊擊中軍守備左哨千總均駐江華縣
屬之錦田右哨千總左哨貳司外委均駐縣城右
哨頭司把總 青絲井右哨頭司 駐漕灘右

哨貳司外委駐濤墟左哨叁司外委駐白石山左
哨貳司把總駐大橋左哨頭司額外駐清江貳司
額外駐高村右哨頭司額外駐黃竹寨貳司額外
駐娘娘廟總共分布城汛各塘馬戰守兵丁四百
六十七名

新設嶺東專營歸永州鎮統轄左營遊擊兼轄守
備一員總司把總一員均駐嶺東協防外委一員
駐高寨營汛分防左司額外外委一員駐小墟汛
右司額外外委一員駐竹山汛實共額兵一百九

江華縣志

卷之七

兵防

九

營制

十二名以上駐防

民壯原額八十名屢奉裁汰實存三十一名

教場詳建置

附官俸兵餉

遊擊每年俸薪蔬菜馬乾等銀二百八十兩一錢
四分養廉銀四百兩

守備每年俸薪蔬菜馬乾等銀一百二十九兩一
錢養廉銀二百兩

千總每年俸薪馬乾等銀六十六兩養廉銀一百

二十兩

把總每年俸薪馬乾等銀五十四兩養廉銀九十兩

外委每年餉乾銀三十三兩養廉銀十八兩米三石六斗

額外外委每年餉乾銀三十三兩米三石六斗馬兵餉乾月米與額外外委同

戰兵每年餉銀十八兩米三石六斗守兵每年餉銀十二兩米三石六斗

江華縣志

卷之七

兵防

十

附俸餉

屯田 詳賦役

塘汛 舖遞附

左營所轄十汛

青絲井 漕灘汛 濤墟汛

以上三汛管帶開塘香山營歐陽山斜路塘水泉舖黃泥渡白芒營共七塘

大橋汛 白石山 背江汛 高村汛 黃竹寨

汛 娘娘廟汛

以上六汛管帶冷飯灘青塘白石關官渡塘黃沙

塘蔣家河李蕩平共七塘

嶺東營所轄八汛皆相度邊地隘要而設

壕界塘 上眉塘 牛蕩坪塘 高寨汛

竹山汛 小墟汛 水口塘 八仙界

舖遞

總舖在縣頭門至水泉舖十五里舖役三名

水泉舖至高橋舖十五里舖役三名

高橋舖至道州祥霖舖十五里舖役三名

三交舖至永明界松柏舖三十里舖役三名

江華縣志 卷之七

祐嘉舖至甯遠界三十里舖役二名

寨

朝陽寨 後塘寨 錦陂寨 射平寨 下灣寨

山冲寨 水口寨 黃馬寨 中河寨 石龍寨

輦江寨 橋陂寨 高地寨 軍屯寨 烏陂寨

長坪寨 大坪寨 杉木寨 黃竹寨 蟠龍寨

迴龍寨 岑田寨 橫江寨 燈盞寨 金盆寨

瓦神寨 茅梨寨 泥陂寨 瓦窰寨 安甯寨

牛尾寨 小江寨 大塘寨 烏龍寨以上三十四寨俱在

兵防

塘汛 士

附舖遞附寨

田錦

秀水寨

梁源寨

成岡寨

秀金寨

平賴寨

唐家寨

頭巾寨

軍山寨

馬鞍寨

大埭寨

合溪寨

泡田寨

以上十二寨俱在嶺東

新增各寨

瑞巖寨距赫洞村二里許左右大塘環繞水深丈

餘秋冬不涸前後皆峭壁東西兩面稍可攀躋疊

以巨石賊不能攻咸豐九年建

樂安寨在縣北鄉下蔣村後四面陡峻上平廣可

容萬餘人咸豐九年建

江華縣志

卷之七

兵防

士

附寨

罐地寨在縣北劉家塘村旁山形似罐險固可守

咸豐九年建

安樂寨在縣東十里唐家山大石壁立一面臨江

傍有小徑壘以石周圍二三里樵汲甚便咸豐十

年建

芒山寨縣東十二里山勢陡峻四面壁立中可容

數百人壘石為門咸豐初建

伍家寨建自前明咸豐十年重修其山一峯特立

巖洞四達中間屋舍壘石為門山頂結茹屋東南

皆懸崖西北周以石牆約數十丈

雞山寨在大檻邨西南隅可容千餘人前朝避兵處也離寨半里為過水巖內有石刻亦前人避兵之所咸豐二年重修

寇變

明洪武初蔣家河賊李夜叉作亂永州府判領兵征勦江華民劉蘭孫擒獲之

宣德七年總兵官蕭授移兵擊江華獠討富川賊先後破擒之授華容人

兵防

江華縣志

卷之七

三

寇變

隆慶元年江華山獠糾合廣西大羅山苗賊叛亂劫掠嶺東江渡大壩一帶鄉村

二年春正月獠賊寇江華永州府知府朱朝富移置守備屯兵拒却之

五年東水源苗糾流賊犯錦田官兵拒却之尋賊魁陳龍洲率眾復由開山寇嶺東守將馮國寶斬

其弟陳龍田龍洲亦帶傷遁旋死其眾潰散指揮陳培擣東水源賊巢破平之

萬曆十八年劉大漢據蔣家河築石為壘集惡黨

數百人自號劉元帥剽掠焚劫民不聊生其婿蔣保驍勇過人其子蔣詡恒捐納知縣官兵剿襲之擒蔣保罪擬流徙安置雷港驛詡恒削籍縊死任妻子發還原籍劉大漢遁與其子劉和尚及鄧金虎嘯聚藍山復入蔣家河脅掠猶獠知縣俞頤吉率刑吏蔣大綬千長蔣仕鰲統領徭兵擒獲鄧金虎解道處死劉和尚遁至藍山越三年又搆引黨徒攻殺蔣家河營兵三人知縣李英材復差蔣仕鰲挈獲申解道院死於獄中

江華縣志

卷之七

兵防

古

寇變

萬曆三十一年革役李本科聚眾毀典史廳舍欲爲亂攝合教諭滕元慶悉擒之申詳本道批本府究問李本科死於獄中餘釋還

懷宗十年江華猶奉天僧父子倡亂劫殺巨室官兵署廣西富川縣事平樂府糧捕通判門應召率

兵擒之

見富川志

十一年臨藍流寇胡把勢曾介奴等由道州高橋舖至江華掠白芒營上伍堡守備尹天明拒之新撫天王寺降寇賈都司稱新兵報效追剿至江軍

無紀律肆意擄掠知縣顧士奇時甫到任多方駕馭越日乃去

十六年癸未九月流賊張獻忠破長沙進寇衡州巡按劉熙祚奉吉王慈烜惠王常潤桂王常瀛奔永州獻忠自追三王將逼永熙祚命中軍護送三王入廣西賊尋陷永州劉熙祚死之寇稱西府以近處人投衡永偽官江華偽知縣童佐聖偽縣丞劉篤之偽學官范日煥俱宮墻敗類偽主簿李文晟偽典史晉起陞乃市井亡賴十月一齊到縣取

江華縣志

卷之七

兵防

五

寇變

戰馬六十匹至十一月故巡按劉熙祚中軍曹志建領兵五六千人駐鎮峽關發兵擒道州永明江華各偽官至關殺之高懸賊首止釋范日煥一人先是縣令劉廷祚學官丁學曾典史謝文兆帶家眷往錦田過廣東天平山避亂聞賊已擒方復任曹志建委邑人文若浩權事亦不與爭當童佐聖爲偽縣令時有臨武礦夫頭蔣應開自號魁楚率眾到江華招悍奴亡命橫挾殷戶出銀養兵領童賊牌令破廣西賀縣慘殺甚多劫縣印還報而童

賊已就擒魁楚謀破縣舊令劉廷祚與諸生何遵等密計約富川鄉兵有何五公子領之擒斬之蔣魁楚平後又有廣東總兵蒲纓雲南人忽以兵圍城一人荷竹鎗上城堞內窺索餉聲言倘不如意旦夕入城城中驚恐其湊集銀器百兩典史黃起龍縋城以賂其兵通行跪見黃爲民恤命忍辱見之仍縋上城次日遍搜城外財物第三日各擔負去賊首張所掠黃蓋賊眾有馬上戲舞兵器者亦一時之極變也

江華縣志

卷之七

兵防

六

寇變

國朝順治二年乙酉明督師何騰蛟撫降李自成餘黨郝永忠等拜表出師旋守長沙湖南各府屬錢糧俱解督府曹志建隨赴督師軍前聽調江華稍安四年丁亥五月曹志建稱保昌伯由江西贛州仁化來駐江華城市皆兵先官遠避時練伍朱廷俊導之也四十餘日以無糧去先是郝永忠遣參將張某來縣執縣令胡邦儀降爲道州學官委州判鄔嘉運署縣事曹志建旣去永忠遂帥兵屠其後住三日追及永明遂與志建分據志建截上流駐

鎮峽關永忠截下流駐道州既而

王師破湖南臨永州郝永忠懼遁去鄔嘉運領衙役街民共十二名充里甲遵令雍髮易服往軍前投誠三王仍委管縣事許兵不至八月曹志建仍屯鎮峽關改名龍虎關遣其將汪大捷中營總兵歐正福徵義兵時明桂藩裔由櫛居廣之肇慶聞志建聲勢壯盛加封爲保昌侯賜尙方劍許便宜行事自此衡永兩府屬官選委皆志建專之

五年戊子二月志建聲言趨東扈駕兵三萬餘詐

江華縣志

卷之七

兵防

七

寇變

稱十萬由櫛疑其叵測降賜慰勞加封爲永國公以止之是時四處起兵陝西舉人李必逾奉部選江華合率家屬至永州府城城破必逾遇害家屬被執志建據關稱永國公遣副將葉龍來江華又委別將桂陽縣生員朱明遇管縣事接任儒學蒲轅典史周涌俱永明人練總唐茂春督江華民每糧一石五斗出兵一名共六百名劄都司守備錢忠等挑選更募月糧衣甲敲撲災黎辱及士類六年己丑春朱明遇改署甯遠縣志建以其私親

孫美爲江華令二月和碩鄭親王破湖南明督師何騰蛟死之是年

大兵恢復永州府孫美等逃遁署江華事鄭際虞河南生員履任之後查惡行申府道批轉斬錢忠等怨憤以平其時兵破鎮峽關曹志建出沒枇杷所至江華縣焚殺甚慘進劄嶺東城市一空鄉村靡甯鄭際虞請永道二鎮官兵駐縣防守志建走入甯遠九疑洞官兵經兩月撤還本鎮九月

大兵破道州之永安關克道州進攻桐口遂破永明

江華縣志

卷之七

兵防

六

寇變

曹志建退守龍虎關會我師拔營北還據關自守七年庚寅詔定南王孔有德南征三月遣左翼鎮將軍馬蛟麟從閒道攻龍虎關時曹志建所部數萬分劄富川道州檄援未及守關者僅數千人不意我師驟至倉皇失措馬蛟麟由山後斬關入志建部眾自潰多踐踏赴水死志建僅以身免蛟麟焚其壁壘委隨征官攝縣事月餘志建收殘兵數千復出未幾志建拔營西遁江華始入版圖

康熙二年癸亥調楚省官兵討明降寇餘黨於西

山富川縣各塘獨目廖文胆恭城縣茅塘獨目王
天貴乘虛而起糾黨數千人越界劫擄春陵江永
俱爲震動十月十七日夜從桃川山徑潛過恭城
次日黎明連劫恭城北鄉十二村勢益猖獗十二
月初九日劫永明之桃川墟各縣申報院道並請
廣西巡撫周盡美勦辦批行廣西府江道胡朝賓
查議

三年春廣西巡撫奉

旨帥兵勦富恭諸獠師次富川廖文胆遁入白雲巢

江華縣志

卷之七

兵防

七

寇變

粵師環攻之並移楚省會勦楚督張檄調永道甯
藍柳桂兵千餘名督鄉勇守界以防奔突六月破
白雲巢俘斬以數千計富賊未破時有獨目李萬
賢李大踊踰崖出降同時又獲永明流民周德甫
王新仔粵撫俱發府江道審問有無勾通賊黨萬
賢大踊誣指永明宋村清溪古調江華駱家山路
家洞石榴灣等鄉周德甫又以窩引坐桃川故生
彭寶故民周鳴岐周國輔周七苟於是府江道藉
爲左證馳檄道州參將捕彭寶等家獲寶子季和

鳴岐子呈瑞七荀子行剗解赴廣西粵撫疏陳兩省接界猶賊勾通行劫請併剿得

旨勅督臣查議賴分守道張登雲辯之甚力督部張長庚兩次題覆事以解

十二年癸丑吳三桂反甲寅湖南兩廣皆陷三桂擁兵衡湘偽官苛斂雜差日煩民將離散乙卯民困更劇

十五年丙辰一年連征二年之餉船夫馬夫綿豆粟米誅求無藝

江華縣志

卷之七

兵防

三

寇變

十六年丁巳吳三桂僭稱帝於衡州偽號昭武元年是時兵馬愈多追呼愈迫

十七年戊午三桂偽將詹某兵由廣西還屯道州屯劄八月三桂死孫世蕃襲偽號稱洪化九月偽將軍馬三寶擁兵亦屯道州江民飛芻輓粟源源不絕數年之內民逃亡者幾過半田產荒蕪者十之三四

十八年己未

王師攻賊兵三月詹馬二營兵馬望廣西全州而遁

偽官獻印投誠我高李二將軍恢復湖南安撫而

還高李二將名佚候考

道光十一年錦田長塘冲猺人趙金隴煽惑九冲八排諸猺聚眾滋事自稱大朝王焚燒房屋殺掠人民竄擾藍山甯遠新田桂陽常甯等州縣經大兵圍徧羊泉盡數殲滅

咸豐二年六月粵匪由道州詐稱潮勇回竄江華初八日卯刻至縣城率眾猛攻城陷邑合劉興桓教諭歐陽復均被害匪眾四處滋擾城鄉廟宇房

兵防

寇變

江華縣志 卷之七

屋焚燒殆盡

五年十一月十六日亥時粵匪復竄至境陷城焚殺

九年江西南安大股髮匪何文彪石幗宗闕入柳桂一帶與賀縣獍匪羅嘉誨勾結滋擾江邑逼近賊跡不時告警二月初旬匪由甯遠竄至縣屬楊柳塘紅塘等處二月內羅嘉誨等率黨萬餘竄擾上五堡大岡頭一帶窺伺縣城其時何文彪屯踞甯川羅逆暗約何逆於五月初三日合攻濤墟六月

二十日何羅兩逆大隊由南路直撲縣城永明之
賊復蜂擁來助兵勇抵敵不住城陷賊踞城十一
日肆意焚掠是年江民受害最酷